



3 Desember 2022

Daniel 8:1-14



Agama Si Tahu-tuhu



I bas tahun peteluken Belsasar jadi raja, Daniel ndatken pengenehenen sipeduaken. I bas pengenehenenna, Daniel ngidah sada bajar biri-biri i tepi lau. Tanduk biri-biri e me lambang kerajan Persia ras Media si erkuasa. Kalak Media ras Persia la terpisahkan aminna pe jadi dua kerajan. Raja-raja Persia leben erkuasa asangkan raja-raja Media tapi kedungenna kekuasaan raja Media ndauh ganjangan asangkan raja Persia. E maka tanduk biri-biri e sada gedangen. Tapi bajar biri-biri e ngegas bagi ate-atenana saja. Perbahanen si bage nuduhkan maka meganjang ukurna, igejapkenna lit kuasana si mbelin maka ia bebas guna ngelakoken kai pe. Tapi alu la niarap, reh ka sada kambing nerang bajar biri-biri e si erbansa mesepak tanduk biri-biri e duana. Kuasa biri-biri e lanai ergegeh janah ampar ia i taneh. Secara simbolik, kambing e me kerajan Junani. Kuasana seh kal ganjangna. Erkiteken kiniganjangan ukurna kerajanna pe terpecah (turah empat tanduk sideban, nuju ku empat dampar). Arah 4 kerajan e reh me sada penguasa si mbaru si tuhu-tuhu kejam (Antiokus efifanes, raja Romawi sinjajah Israel). Ibunuhna me kalak si badia, iruntuhkenna rumah pertoton janah agama si tuhu-tuhu e nggo isampetken ku taneh. Lanai lit ketuhu-tuhun, rumah pertoton jadi ingan kalak erdosa. Agama e pe terjeng aturen si ngiket labo mbebasken. Agama si tuhu-tuhu arusna ndalanken kebujuuren, keadilan terlebih man kalak musil, diberu balu-balu, anak melumang ras kalak pertandang, e enggo ndauh i bas kalak e nari. Si perlu si lakoken: ngelakoken si mehuli, si adil, ras si ngena ate Tuhan.

Jesus ulu pengajaren si tuhu-tuhu.



[The main body of the page is a large, blank white area with a wavy top edge, intended for writing.]